

商河縣志卷之七

天物志

天生民而懿德具於人心不特秉清淑之氣者有
以樹綱常維名教卽夫婦之愚不肖一旦性真奮
發雖聖賢有不能至不能盡焉十室之邑猶有忠
信弭商河前漢舊治代有傳人哉始鄉賢終列女
人事備矣玉蘊石琢磨成器木生山繩墨爲功爲
能發憤洗滌克自振拔於儕俗也志人物

鄉賢

後唐

馬允孫字慶先舉進士後唐末帝李從珂爲潞王時辟爲河中觀察支使從珂爲楊彥溫所逐罷居京師允孫從後從珂將舉兵反左右謀已定召允孫告之曰受命移鎮路出京師何向爲便允孫曰君命召不俟駕今大王爲國宗屬先帝新棄天下臨喪赴鎮臣子之道諸人凶謀不可從也左右皆笑其愚從珂獨心重之後從珂弑閔帝立是爲末帝允孫官至中書侍郎同中書門下平章事石敬瑭

臥於床。末帝自立。孫遂家居。不仕。時人稱爲三不
出。要之。家門不開。暑客且不開。入朝印不開。爲人端
肅。此

元

張博文。泰定丁卯鄉舉。官至東平襄陽懷慶等路
總管。陞兵部侍郎。政績無考。惟明祀鄉賢。畧曰道
行果毅。風韻遠而猶著。洵爲先代之鄉賢云。

明

孫毓宣。德丁未進士。除行在監察御史。彈劾不避

權貴讞獄多平反陞陝西右叅政以廉勤著名再
遷左布政仍上疏論執政者幾爲所陷上知其忠
特令致仕

張紳宣德壬子舉人歷知鞏縣麟遊縣陞均州知
州俱以廉能著稱進秩從四品致仕

張容紳之子成化乙酉舉人初知直隸曲陽縣歷
知光州涿州令行禁止吏畏民服剛介爲不附
權要時中官用事上下無不阿順風旨容獨與之
相抗中貴皆憚之以治最知衛輝九江府政益舉

陞河東鹽運使鹽法大行奸猾屏息年未周甲乞
休壽終於家子九叙登進士官至都御史九霄經
魁官至永平府通判俱不愧家法云

孫識字以蕃成化戊戌進士除戶部主事累遷郎
中以狷介著名遷平涼府知府興利除奸振貧掩
骼作興人才屢辨疑獄再遷漢陽尤多治狀居鄉
孝友動必以禮邑人矜式焉

張奇成化甲午舉人知望江縣多善政入名宦祠
判黃州嘉興知渾源州旋改隋州俱有奇績詳載

安慶府階州望江縣三志致仕進階奉直大夫協
正庶尹居家以孝弟聞孀喪率遵古禮其他善行
不能悉記詳闕庶常閔所撰墓誌文

盧亨成化丁未進士擢兵科給事中居諫垣十餘
年多所建議歷陞太常寺卿進階嘉議大夫資治
尹天性忠厚未嘗與人相忤有犯者旁觀不堪亨
視之若未犯已也正德間劉瑾用事許以美秩欲
亨往見不屈卽上章引年致仕卒賜祭葬子傑以
舉人知灤州有惠政崇祀名宦

張九叙咨之于宏治乙丑進士授庶常正德朝歷
官戶刑科左右給事中曾劉瑾竊柄遷府李校尉
者藉瑾勢不法侵府田若干府奏聞上命九叙按
治得實置之法人爲九叙危瑾竟不能禍庚午瑾
誅九叙又與謝都諫指摘奸黨中外稱快武宗悅
西僧術江彬得倖旨下工部起少府爲彬居九叙
奏請罷之彬誅陞吏科都給事中轉太僕寺少卿
調太常寺提督四夷館以旌敢諫嘉靖五年江洋
劇賊黃保孫二等嘯聚數百人爲盜莫能制特陞

南京右僉都御史理江防事至則召長吏授策未

浹旬而黃保輩就縛江河肅然吳人稱神移時旱

蝗蔽天上修德回天疏反覆時事數千言忤執政

再疏乞退不報明年因張孚敬奏論罷抑鬱疽發

而歿綱鑑輯載正德十六年五月梁儲罷吏部尚書王瓊以罪戍邊初瓊在兵部凡所請實悉

聽中旨至是給事中張九叙劾王瓊濫竽將官依附權倖併劾梁儲持祿固寵儲三疏求去賜勅傳

歸下瓊都察院鞠治論死瓊疏辯乃減死戍邊按濟南北寇墓志銘載事甚詳獨正德中張九叙在

諫垣疏劾兵部尚書王瓊禮部尚書梁儲俱賜歸瓊論死戍邊風節昭著而誌不及豈當時或有所諱

其諱

其諱

孫孟和字節之孟和之弟宏治乙丑進士授刑部
主事歷任河南按察司僉事事蹟失傳

孫孟和字節之孟和之兄正德戊辰進士
知廣平縣甫下車卽值流賊作亂誓衆殺賊孤城
懸金調潯縣劉任曰流賊大至攻圍七晝夜孟和

且戰且守斬獲甚衆保城如在廣平擢湖北道監
察御史風采嚴峻人不敢干以私巡按山西獲賊
孫入孟和督戰却敵衆効總兵傅鐸等不謹封守
賞罰分明丁丑武宗幸大同召重前勞召補御史

中好官朕當錫予有錦衣銀牌帶襪之賜寧王璘
濠叛從征紀功多所建白劾太監張永及竊
朱泰等皆正其罪中外震動會武廟升遐孟和
遷六安添注判官初無憤意嘉靖改元知縣
興文教全名節轉眞定府同知旋知府事屢風
厲節義無少怠因病乞休家無中人之產淡如也
著有西巡激揚錄南征紀功錄

張邦瑞奇之子正德丁卯舉人任南京兵部司務
陞戶部員外郎中以年資應抽分蕪湖及北新關

稅課可得萬金邦瑞力辭不往人以爲難出知石
阡府知府比懸車囊橐蕭然所居傳轅風雨怡然
安之

賈樞字慎卿斌之曾孫嘉靖壬辰進士知葉縣調
襄垣任事明斷豪猾斂手擢刑部主事陞員外郎

郎中折獄稱平陞陝西僉事兵備隴右秉正持公
訟清盜息巡撫薦剡有番人感服全隴稱神之語
遭父喪盡禮起除河南僉事兵備睢陳擒恒山大
盜李邦珍等伏法伸冤獄終山西右叅議以疾致

仕閨門養重隻字不投公庭優游林下十餘年引
掖後進多所成就出處之節終始不渝稱完人焉
王琨字友玉萬歷丙辰進士授真定知縣清積逋
覈假差成淳沱浮橋滅河田公稅鋤強扶弱勇幹
有聲擢禮科給事中值楊漣大獄以病乞歸崇正
改元轉河南叅議兵備汝南劇盜陳圈子圍掠郡
邑琨整行伍簡材官清軍耗指授戰守機宜擒其
黨塔四等賊勢大沮退散又平舞陽安住兒等寇
擢湖廣叅政鎮守襄陽江防道以病乞休著有循

職官畧游草十刻

李時新萬歷辛卯舉人授武強縣以廉幹著名調
棗強會妖賊數千作亂逼掠縣城時新戮力誓衆
殲其渠魁餘黨悉平以疾乞歸值叛兵陷城不屈
而死崇正六年贈光祿寺署正

王國憲字熙寰萬歷中歲貢生授曲阜教諭敦崇
實學人咸敬之丁憂家居崇禎四年叛兵圍城國
憲督衆禦敵城陷被執不屈而死六年巡撫朱大
典題贈國子監助教領文諭祭歷書事與爲異

馬泰伸字惟舒萬厯己酉舉人己未會試副榜授
鹽山知縣邑苦潦且瘠城郭公署傾圯殆盡樞書
補葺民不知勞平賦役審差徭振興文教士登科
者十人擢知滄州路當孔道役煩賦重多方蠶剔
一如在鹽捕奸僧佔人田產搶奪婦女者置之法
豪強莫不畏服閱七月丁父艱歸崇正十五年壬
午十二月二日西門城陷不屈死節妻張氏亦抗
節殉夫難

王治邦順治初拔貢生授湖廣德安府推官時兵
變之後人民稍聚訟獄繁興治邦勸撫安輯衆賴
以安遷鎮江府海防同知清屯田冒丁除簽運積
弊親歷圖山洋河巡緝私梟斂迹官引疏銷陞知
德安府值歲饑蠲賑備至全活數千人親老乞養
歸著有家訓輯要

按商邑鄉賢在嘉靖初始祀後唐平章馬允孫
元兵部侍郎張博文二人萬歷中增祀孫識張
奇二人今考祀典載馬允孫張博文孫毓張紳

張咨孫識張奇盧亨張九叙孫孟舉孫孟和張
邦瑞賈樞王琨存時新王安國馬泰伸王治邦
共十有八人事實散佚既多與祀世代亦與名
宦同無考謹爰爲搜輯叙次立傳其無考者缺
疑以待不敢臆擬一字惟思鄉賢崇祀所以重
前哲之典型而昭後人之景仰邑中人材傑出
建功業立德行實繁有徒溯前之多賢知後之
繼而起者未艾也羨後之多賢知前之鬱而沒
者有待也表幽闡微非賢士大夫之責哉

賢行

漢

襄楷字公矩東漢末人好學博古善天文陰陽之術桓帝時宦官專朝政刑暴濫又比失皇子災異尤數延熹九年楷自家詣闕上疏言去歲星象垂異自今年春夏以來連有霜雹及大雨雷由臣作威作福刑罰急刻所感劉瓚成瑨遽加考逮梁冠孫鄧並見族滅慶育未聞災異屢作願賜清閒極盡所言書奏不省十餘日復上書言宜承天意理